

狎犢犵狁椎髻鳩舌之徒而行旅之蠹穴於闐闐間者朝而之
蜀之楚焉夕而之滇之粵焉非有恒產之守也非有土著之樂
也非有饒石之儲而聚族之謀也脫一旦雨暘愆咎作廢金灰
粟生衛殫相望卽爲之求轉移於蜀楚滇粵之間是猶之渴而
掘井以七年之病而求三年之艾也烏可得哉不第是也明天
啟壬戌間安邦彥之亂賊圍浹歲城中無米人相食殆盡此非
其明鑒歟方今邊陲綏靖苗蠻向化仰賴 聖天子柔遠德意
以共樂昇平自可以弗慮乎寇盜然而堯水湯旱則未敢預計
其必無也積穀之舉殆亦因地制宜司封疆者黽勉其所有事
耳矣

丁煒曰自古救荒無奇策惟先事預備則無奇實至奇矣先

黔書上

二十九

生始至黔卽捐俸倡糴本根深遠之計豈規目前者可及至
以市價與商低昂尤爲變通無弊

鹽價

河東昆吾波斯尉賓于闐骨咄莫不有鹽而黔獨無仰給於蜀
微蜀則黔不知味矣蜀之鹽不一產要皆出於井順慶之井外
煙塗塤之井有禁所轉致者惟戎州耳又不可以舟車通肩瘡
蹄血而後至其來也不易則直不得不昂直昂而民之艱食者
比比矣黔民洵苦矣哉三月之忘獨藜藿腸哉當其匱也代之
以狗椒椒之性辛辛以代鹹祇誑夫舌耳非正味也卽遇其饑
亦止沾唇而量腹如水之交不在穠羹也尙安問其爲紫爲赤
爲瑞爲散與夫爲苦爲飴爲形爲巨桃也哉無他困於錐刀故